

Brav woar mr scho früher niat
=====

Drei Geschwister scho a weng alt
zwä Brüader warns und's Katherle halt.
Im Unterdorf hauste sie zu dritt
a groaßer Hund der hauste mit.
Kener ließ sich korpulier
und zur Ehe sich verführ,
ja dem Katherle besonders deucht;
daß mr die Karl ner zum Beatlesackern bräucht.
Und weils düngt hamse die Abfäll der Nacht
früh im Botschamper auf'n Acker gebracht.
Die zwä Brüader ham aus'n Wald manchmal a Hösla g'holt
mer kann a wildern soch, wenn ihr so wollt.
So nimmt es Schicksal sein Lauf
und's kreuzt a Landjäger auf.
Die drei plazieren den Schandarm auf d Oufabank nieder
und socha "mir kumma gleich wieder"
stelle ihren riesa große Hund dazu
und gehn furt in alle Ruh
und wenn sich rührt der strenge Mo,
fengt der Hund zu knurre o.
Hinna macht der Oufa warm
vurn der Hund, dazwischn der Schandarm
Die drei ham draußa unterdessa
n Wildrerbroata aufgeghessa. —
Für jeden kümmt amol die Zeit
wus häßt: "Mach dißch aufn Tod bereit
und mer brengt n Katherle schonend bei
wie dos mit n Besuch von Herrn Pfarrer sei.
Es Katherle sagt: "Mir is scho racht
ower lieber wär mir n Pfarrer sei Knacht"
Es Katherle hat en junge Kaplo gement,
net, daß ihr verkehrt denkt am End.

